

Pembroke 25 Sermo 19 (fols. 36r–38r)

.xviii. OMELIA IN CAPUT

PRęcauendum est omnibus bona opera IEIUNII .

exercentibus fratres karissimi . quod dominus dicit in aeuangeli

gelio . Adtendite ne iustitiam uestram faciatis coram

hominibus ut uideamini ab eis . Alioquin merce

dem non habebitis apud patrem uestrum qui est in caelis .

Cum ergo facis elemosina¹ . noli tuba canere ante te

sicut hypocritę faciunt in sinagogis et in uicis ut

honorificentur ab hominibus . Amen dico uobis

receperunt mercedem suam . Te autem faciente ęlimo

sinam . nesciat sinistra tua quid faciat dextera

tua . ut sit ęlimosina tua in abscondito . et pater

tuus qui uidet in abscondito reddet tibi . Haec lectio

/36v/ sancti euangelii fratres karissimi . uidetur mihi quod secundum litteras

non possit intelligi . Et ideo deo auxiliante requiramus .

Qualiter ad eius sensum spiritalem peruenire possimus .

[.ii.] Requiramus ergo quod significat quod dicit . nesciat sinistra

tua quid faciat dextera tua . cum alibi dicat . sic luceat

lux uestra coram hominibus ut uideant opera uestra bona . Non

enim ipse sibi dominus in aeuangeli`c`a lectione contrarius esse

potest . Nam quia elemosinam et occulte fieri ipse

dixit . et publice ipse amm`o`nuit . ut non sint precepta eius

sibi contraria . sensum intellectualem quęrit . Qui enim

ideo facit elemosinam . ut ab hominibus se laudari desi

deret . etiamsi occulte fecerit publice facit . quia laudem

ab hominibus quaerit . Qui uero elemosinam pro solo amo

re dei facit . Vt illum ad opus bonum reliqui imitentur .

et non ipse sed dominus conlaudetur etsiamsi publice faciat

elimosinam absconse facit . quia per elimosinam illam
 non hoc quod uidetur sed quod non uidetur desiderat .
 [.iii.] Nec ab hominibus laudem . sed celestem² mercedem a deo
 optat accipere . Hoc etiam de ieiunio ita debet intelli
 gi . De quo dominus in euangelio dicit . Cum ieiunatis nolite fieri
 sicut hypocritę tristes . demoliuntur enim facies suas . ut pa
 reant hominibus ieiunantes . Amen dico uobis quia recepe
 runt mercedem suam . Tu autem cum ieiunas . unge capud
 tuum et faciem tuam laua . ne uidearis hominibus ieiunans .
 sed patri tuo qui est in abscondito . et pater tuus qui uidet
 in abscondito reddet tibi . Certissime et in hoc sensu
 hoc `o`portet intelligi . ut nemo pro laude humana sed
 pro peccatorum indulgentia uel pro diuina misericordia³
 /37r/ ieiunet . [.iiii.] Et ideo unusquisque interroget conscientiam
 suam . et si pro solo dei amore facit elimosinam . securus
 publice faciat . ut eum quicumque uiderint imitentur . In
 dextera enim amor dei intelligitur . in sinistra autem uani
 tis uel cupiditas mundi . Et ideo si pro laude humana
 elimosinam dederit . totum sinistra fecit . dextera ni
 chil omnino fecit . si uero pro remissione peccatorum
 et amore uite eterne elimosinam dederit . totum
 dextera fecit . Quid ergo fratres karissimi . nesciat sinistra
 tua quid faciat dextera tua . nisi ut quod faciat
 amor dei . non corrumpat aut non perdat uanitas uel
 cupiditas mundi . Nam si hoc aliquis secundum litteram
 impleri posse credit . quid faciet si ei manus dextera
 doluerit . Numquid de sinistra a elimosinam dare
 non debet? Aut si uult captiuum redimere . Quomodo
 scrinium aperire poterit . si manum sinistram dex
 terę suę non iunxerit . [.v.] Aut si peregrinum optat
 accipere in hospitalitatem secundum preceptum domini .

Aut seruorum dei pedes abluere . Non uideo quomodo
 hoc nesciente sinistra manu possit implere . ad
 hoc etiam pertinet illud quod dominus dixit . Cum oratis
 nolite in angulis platearum orare . sed intra inquit
 in cubiculum tuum et clauso ora patrem tuum in absconso .
 Ecce et ipsi fratres bene cognoscitis quod nec hoc semper
 secundum litteram potest adimpleri . quia et nos ipsi
 et totus populus non solum in cubiculis nostris oramus .
 Sed etiam publice ad aecclesiam conuenimus . et simul
 cum omni populo genua flectimus . Numquid dum hoc
 /37v/ facimus praeceptis christi contrarii sumus qui dixit . ut in cu
 biculis nostris clauso ostio⁴ oremus . [.vi.] Non ita est fratres .
 sed etiam et iste sensus superiori sen`ten`tiae conueniens
 est . qualiter autem hoc intelligi debeat iterum
 diligenter attendite . Si enim quando oras deum hoc
 ab illo petis quod uidetur . publice et apesto⁵ ostio⁶
 oras . quia hoc a deo uis accipere quod uidetur . si uero
 pro indulgentia peccatorum et pro uita aeterna uolu
 eris supplicare . etiamsi publice oraueris clauso
 hostio oras . Quia non hoc petis quod uidetur . sed quod
 non uidetur . Quae enim uidentur . temporalia sunt
 et finem habent . quae autem non uidentur . aeter
 nalia sunt sine fine . et si temporalia quæris sicut
 iam supra dixi . Publice et aperto ostio⁷ oras . si autem
 aeterna requiris . secreta est oratio tua . quia non quæ
 uidentur . sed quae uidentur optas accipere . [.vii.] Recon
 dite ergo fratres karissimi aelimosinas uestras cum ieiuniis
 et orationibus in cęlis . Sicut saluator ait . Thesauriza
 te uobis thesauros in caelo . ubi nec erugo nec tinea
 demolitur . et ubi fures non effodiunt nec furantur .
 Ubi enim est thesaurus tu`u`s . ibi est et cor tuum . Id

circo conemur ut cum thesauris nostris precedentibus .
 in caelis habitare possimus . quia si illa quę non uidentur
 in ueritate a deo quęrimus . etiam illa quę uidentur
 domino remunerante percipere merebimur . quia non
 mentitur ille qui dixit . Queritę primum regnum
 dei et iustitiam eius et haec omnia adicientur uobis .
 Nec hoc sic dicimus fratres . ut pro rebus temporalibus dominum
 /38r/ non oremus . Id est aut pro sanitate corporum . Aut
 pro pace temporum . Aut pro abundantia terrę fructum . [.viii.] Debemus
 et ista ueraciter a domino petere . sed secundo uel tertio loco .
 Ut primas partes in omni intentione orationis nostrę .
 Amor animae et desiderium uitae aeternę obtineat .
 Oremus ergo pro his omnibus . sed sine ulla comparatione
 amplius pro animabus supplicemus . Et ideo fratres karissimi
 quoties nobis hac⁸ lectio aeuangelica legatur . eo or-
 dine quo supra suggessimus . intellectum eius debemus
 accipere . Ut siue in aelimosinis . siue in ieiuniis . siue
 in orationibus . siue in dextera . siue in sinistra hoc ob-
 seruare studeamus . Vt quicquid agamus non pro uani-
 tate uel cupiditate huius mundi . sed pro dei amore
 et desiderio aeternę beatitudinis faciamus . Quod
 nobis prestare dignetur iesus christus qui cum patre et
 spiritu sancto uiuit ac regnat in secula seculorum . amen .

¹ elimosina] *corr. from elemosina*

² celestem] *originally caelestem, but the a has been erased*

³ diuina misericordia] *a word of perhaps two letters has been erased between diuina and misericordia*

⁴ ostio] *originally hostio, but the h has been erased*

⁵ apesto] *sic pro aperto*

⁶ ostio] *originally hostio, but the h has been erased*

⁷ ostio] *originally hostio, but the h has been erased*

⁸ hac] *a later hand has lightly emended to hæc*